

Ärbpacht

Da geitsera  
 dia doann sou als ob  
 sa n Himml in Ärbpacht hätt'n,  
 wenssa nei dia Kärch renna  
 um es Gröiz ze schlochn,  
 sou schnell,  
 wia a gschächtr Hos  
 sei Hakn,  
 und mit Rosekranzhaspln  
 dia Pacht bezohn.

Obr dia sen  
 aa nit bessr äs dia wu  
 Allah il Allah lalln  
 und schtatt auf'n Kröizbarch  
 auf Mekka walln.

Da bleib i liabr  
 auf meim ächena  
 Gebatsdeppich  
 und schtatt em Hargott  
 auf meinera Tour  
 Dank ab:  
 I lass mersch schmeck  
 wos ar hat wachs gelass.  
 Dia Schöppli  
 und es Broat  
 und en Kaas  
 und en Schwartemochn;  
 zegor dia Zwiefeli  
 und dr Kree  
 passn nei dia Relichjon:  
 Wenn sa mi pfatzn  
 tua i Bueß.

Auf dan Gottesdienst  
 it Verlaß;  
 dan ho ich in Ärbpacht übernumma.  
 Und - bei meinr Selichkeit -  
 dafür bin i bereit  
 e Hypertek  
 aufzenamma...